

Среда, 28 май 1941 ар  
№ 43 (854)  
11-тй АРЗЭ ПОТЭ.  
Дуныз: толэзьлы 45 коп.

# УДАРНИК

ВКП(б)-лэн М-Пургинской  
Райкомезлэн но Райсоветлэн  
органы.  
(Адрес: с. М-Пурга, УАССР)

## Тулыс ю кизёнэн бере кылёнээ быдтоно

Туэ арын узыр урожай бюджетны понна районьсытмы колхоз'ёслэн бадзы-месь луонлык'ёссы вань. Толалтэ но тулыс усем осадок'ёсын муз'ем данак нюр-котэп тырмемын. Кулэ жог но выль зечлыкэн кизем.

Партилен но правительстволэн урожайност'я планэ мултэсэн быдэстэм понна колхозник'ёслэн ужамзылы ватсаса тырон сярсысь решенизы колхозник'ёслэсь поку луылымтэ жутсконзэс но инициативазэс бтйз. Соос нюр'ясько кизёнээ вакчи дырын но выль зечлыкэн быдэстон понна.

Азинлыко ортчымын ю кизён районьсытмы данак колхоз'ёсын. Шепонно технической культураосты кизёнээс вакчи дырын быдэстйзы. Йылпум'яло ни бер кизёно культураосты но.

Вань на ю кизёнэн дьртымтэосыз колхоз'ёс. Примерлы басытом М-Пургинской сельсоветысь „Дружный“ колхозэз. Тагын ю кизён азелы ляб дасяське-менызы но бусы уж'ёсты понер рад'ямтэенызы ю кизёнэн чидантэм бере кылэ.

Ю кизёнэн бере кылэ Ср-Кечевской сельсоветысь колхоз'ёс. Сельисполкомлэн председателез Фролов эш кылыныз туж умой но трос супылыны быгатэ, нош ужез рад'ян'я номыре но солэн уг пбрымы. Соин ик вань хозяйственной уж'ёсын бере кыле.

Бусы уж'ёсты быдэс'янын валтйсь инты басытны кулэ машинно-тракторной станциос. Со уг адскы. Тулыс ю кизён ужын МТС-ёс номырлы ярантэм урод ужазы. Данакез трактор'ёс стройысь поттылэмын ни.

Ужало одйг сменаен гинэ, ито туж ляб, со но паровой бусыосын.

Кыче ке мылкыдзы МТС-ёсысь директор'ёслэн, сыче ик куд-ог тракторист'ёслэн. Тулыс бусы уж'ёсын горючей, пе, трос быре, соин ик ужаны дьртонээ бвёл. Ужан программаез пар гыронин но кын улэ гыронин быдэстыны луоз. Сыче мылкыдын ужало МТС-ёсысь кивалтйсьёс но тракторист'ёс. Со сянэ МТС-ёсысь кивалтйсьёс трактор'ёсты сбрлыэмлы но простойёс лэстылэмлы безразлично относиться карисько. Соин ик данак случайёс, тракторист'ёслэн уин ужаны мылзы потымтэен тракторзэс маке каро но ужамысь дугдо. Озы у жа, Гожнинской МТС-лэн кык номеро бригадасысьыз, Еремеева Александра. Таце факт'ёс данак мукет'ёсаз но бригадасын кыказ ик МТС-ёсын.

МТС-ёслэн директор'ёсы, колхоз'ёслэн председателиёсы, колхозной но тракторной бригадир'ёс кизёнээ вакчи дьр кустын но выль зечлыкэн быдэстон понна уже кутонэ луо вань луонлык'ёсты. Вань трактор'ёсты ужатонэ кык сменаен но быдэс мощностысья. Колхоз'ёслы вань вал'ёсынызы ю кизёнэн ужано. Мукет хозяйственной уж'ёсты быдэс'яны ветлонээ дугдытоно.

Вань тулыс бусы уж'ёсты жоген йылпум'яса механической но вал кужы-мез пар гыронэ выжтоно. Пар гырон йылпум'ямын луыны кулэ июнь толэзлэн нырысь нунал'ёсаз ик. Сыче завача сылэ земельной орган'ёс но колхоз'ёс азын.

### Граница събрысь ивор'ёс

#### Францын пудо вордонлэн усемез

Кызы ивортэ Гавас-офи агентсво, сельской хозяйствоя французской министр Казьо алигес речаз ялиз, что войнаен сэрэн пудолэн йырлыдыз трослы кулэсмиз. „Та арын,—вераз Казьо,— асьмелы бз тырмы 40 миллион центнер пудо сион. Та дефицит чоша, бжытэс

вераса, 1 миллион 200 сюрс йыр суро бадзым пудоосты ыштонэн. Асьмелэн пудо вордонамы зияющей брешь кылдйз“. Министр ивортйз, что парсь вордон но тыло-бурдо вордон озы ик пудо сион тырмымтэен сократиться кариськоз.

(ТАСС).

### Будапештлэн предприятиосаз ужан условиос

„Мадяр немдет“ венгерской газет опубликовать кариз Будапештлэн (Венгрия) предприятиосаз ужан условиос сярсысь статья. Газетлэн кыл'ёсыз'я нимысьтыз ик екыт ужаны пичи предприятиосын, тросэз со-

ос подвал'ёсын луо, кытын бвёл вентиляциос. Ужасьёс висё туберкулезэн, ревматизмен но мукет висён'ёсын. Властьёс уг эскеро предприятиослэсь санитарной состоянизэс.

(ТАСС).

## Пар'ёсты гырон сярсысь

Удмуртской АССР-лэн Совнаркомезлэн но ВКП(б) обкомлэн бюроезлэн постановленизы

Удмуртской АССР-лэн Совнаркомез но ВКП(б) обкомлэн бюроез пункт:

1. Райсовет'ёслэн исполком'ёссылэсь председателиёссэс, ВКП(б) райком'ёслэсь секретарьёссэс, райзоослэсь заведующийёссэс, МТС-ёслэсь директор'ёссэс но колхоз'ёслэсь правлениоссэс косоно кизён уж'ёсысь трактор'ёслэн но вал'ёслэн мозмемзыя жегатскытэк паровой бусыосты гырон борды кутскыны, кизён бырем бере вис луонээ лэзытэк. Пар гыронэ вань ужась вал'ёсты тырмыт кутонэ.

2. Район'ёс понна пар гырон'я ужаны ежедневной график юнматонэ.

3. Райсовет'ёслэн исполком'ёссылэсь председателиёссэс но ВКП(б) райком'ёслэсь секретарьёссэс косоно жегатскытэк лэстыны пар'ёсты гырон'я ежедневной график но сое котькуд колхозэ но МТС-лэн котькуд бригадаз вутыны и сое быдэс'ямеэ контролировать каронээ быдэс'яны.

4. Удмуртской АССР-лэн Совнаркомез но ВКП(б) обкомлэн бюроез райсовет'ёслэн исполком'ёссылэсь, ВКП(б)-лэн районной комитет'ёсызлэсь, райзоослэсь, МТС-ёслэсь но колхоз'ёс-Удмуртской АССР-лэн Народной Комиссар'ёсыз-лэн Советсылэн председателизлэн заместителиз

К. АРДАШЕВ.  
ВКП(б)-лэн Удмуртской обкомезлэн секретарез И. НИКОЛАЕВ.

Колхоз'ёсын чылкыт пар'ёсты гыронлэн графикез М-Пургинской районин чылкыт пар'ёсты гырон план 9460 гектар. Нуналлы быдэ гырон задание 1180 гектар. Гыронээ быдэстоно 4 июнь азелы.

лэн правлениоссылэсь кулэ каро пар'ёсты гыронээ выль зечлыкко ортчытэмзэс, таце основной агротехнической уждрад'ёсты быдэс'яса:

а) гыроно, ичизэ вераса, 20 сантиметр мурда, а сыче участок'ёсын, кытын почвалэн подзоленностеныз но органической удобриослэн (кыед, торф) тырмымтэенызы тае лэстыны уг луы, гырыны кулэ гырон сйлэн быдэсак мурдала-ез'я;

б) тракторной плуг'ёсын предплужник'ёстэк гырыны лэзёно бвёл, соос вань дьр'я;

в) гырем бере муз'емез жегатскытэк усьяно, нош трактор'ёсын гырон дьр'я гыронэн чош усьяно;

г) валэс юослы уже кутымтэ вань удобриности, кызы ке интысь органическойёссэ, озы ик минеральнойёссэ но, пар вылэ поттоно;

д) паровой бусыосы чырс муз'ем'ёсты 1941 арлы сельскохозяйственной ужэслэн, планэнызы тупатэм размерен известковать каронээ быдэстоно;


е) паровой бусыоз озимой-ёсты кызытозь ик жаг турын'ёслэсь чылкыт возёно; ж) парез обработать каронлэсь агротехниказэ быдэс'ямеэ зол эскероно.

Удмуртской АССР-лэн Народной Комиссар'ёсыз-лэн Советсылэн председателизлэн заместителиз К. АРДАШЕВ.  
ВКП(б)-лэн Удмуртской обкомезлэн секретарез И. НИКОЛАЕВ.

## Пар гырыны кутскизы

Та дыре, тулыс ю кизёнэн чош ик, бадзым саклык вис'ямын луыны кулэ пар гыронлы. Нош районамы куд-ог колхоз'ёсын пар гырон борды кутскымтэ на.

26 май азелы Гожнинской МТС-лэн зонаез'я колхоз'ёсын ваньмыз 531,46 гектар пар гыремын но 521 гектар усьямын. „Юж-Пурга“ колхозын ваньмыз пар гыронзы 394 гектар, гыремын ини 215 гектар. Ст-Моньинской сельсоветысь „Горд Пельга“, „Быстрово“ колхоз'ёсын 94,34 гектар гыремын, Гожнинской сельсоветысь „Дружба народов“ но Кировлэн нимыныз нима колхоз'ёсын 46 гектар гыремын. Пар гырыны кутскемын бвёл на Ильинской сельсоветысь Калининлэн нимыныз нима колхозын.



И. Франко.  
ТАСС-лэн фотоэз.

## ЭРИКЛЭН ПЛАМЕННОЙ КЫРЗАСЕЗ

(Иван Франколэн кулэм дырысеныз 25 ар тырмонлы)

Иван Франко — тодмо украинской революционной писатель—вордскиз 1856 арын. Солэн родинаез—Нагуевичи село Западной Украиналэн предгорной люкетаз.

Пинал дырызлэсь нырысь ар'ёсэз, куд'ёсыз ортчизы трудовой крестьянской семьяын, писатель возматйз автобиографической „Маленький Мирон“ рассказаз. Бубиз солэн вал дуриськись. Чем дьр'я кибитэ асьэс уж'ёсы сярсысь беседовать карыны понна люкасыкылзы крестьян'ёс. Пинал быдэс нунал'ёсын пукылыз отын, мбйюслэсь вераськемзэс кылзыса. Крестьянстволэн секыт улонээ сярсысь кыл'ёс мур пычазы солэн пушказ.

Мур чувствоен со берло тодаз вайылиз: „Мынам тодэ ваён'ёсылэн пытцаз та дырозь жуа на пичи но кужмо тыл... Со тыл мы-

нам бубыелэн кебитаз. И мон малпасько, что солэсь запасэс мон басытй пичи-ысен улонлэн кыдэке сюрсаз. И со бз кысы та дырозь“.

1875 арын Франко пыре Львовской университетэ. Образование, азьло гимназиын сямен ик, солы капчиен уг сётйськы. Сионлы аслыз ужано луылиз. Университетын Франко лыдзэ Карл Марксслэсь труд'ёссэ, тодматске революционной демократлэн Чернышевскийлэн произведениосыныз. 1877 арын сое арестовать каро тайной общество кылдытонэн янгыше уськытыса.

Укмыс толэзь заключение бере Франко тюрьма-сь мозмытске. Со нош ик эшшо но бадзым кужымен кутске аслаз литературной но общественно-политической ужез борды. Паськыт тодмо л у о солэн калык

улонысь повестьёсыз „Лешишина челядь“, „Два приятеля“. Та произведениосаз писатель яркыт но понер возматэ украинской крестьянстволэсь улонээ. Рабочийёслэн секыт положенизылы сйеземен солэн синмаськимон произведениосызы: „Бориславской рассказ'ёс“, „Борислав смеется“ но „Удав“ повестьёс, куд'ёсыз луо капиталистической стройлы пумит обвинительной актэн.

Франколэн творчествоез темаосыз'я но характерез'я троспёртэмесь. Со—поэт, драматург, историк, критик но публицист.

Секыт труд но лишениос чигтйзы писательлэсь таза-лыкэс. 1908 арын со висыны кутскиз. 28 мае 1916 арын Франко кулйз Львовын военной госпиталенын. Франко, эриклен пламенной кырзасез,—аслаз калыкез-лэн яратоно писателез.

## Трос верасько но ожит лэсьто

Гожнинской МТС-ысь первичной партийной организация 11 муртлэсь луэ. Организацилен луонлык'ёсыз бадзымесь „ВКП(б)-лэн историезлэсь Краткой курсэ“ изучать карон бордын ужаны понна. Озы ке но парторганизацилен ужисты со чик уг адскы.

Первичной парторганизацилен секретарез Веретенников эш всяк партийной пропагандаез умоятыны обещаться кариське, нош ужвылын номыре но уг лэсьты. Та ужпум парторганизацилен собраниосаз троспол эскериськиз ни. Веретенников эш косылз коммунист'ёсты ВКП(б)-лэсь историез изучать каронлы кутыны вань ваньмон дыр'ёссэ. Солэсь косэмзэ коммунист'ёс собрани ортчем бере ик вунэто.

МТС-лэн директорез Зонов „Краткой курсэ“ изу-

чить карон борды оз кутскылы на, директорлэн раечет'ёс'я заместителез Тюрюмки эш изучать каре кыктэти главазэ, главной агроном Дерендяев эш изучать каре витейи главазэ. Коммунист'ёс та ужпумлы относиться карисько кыче ке ватсам нагрукалы, сослы кулэтэм ужлы сямен. Первичной парторганизацилен секретарез Веретенников эш ачиз но номыре уг лэсьты. „Краткой курсэ“ изучать каре формально гинэ. „ВКП(б)-лэсь историез Краткой курс'я“ усвоить каремез ВКП(б) райкомын эскерьку Веретенников оз быгаты шонер ответ сётыны самой элементарной юан'ёслы гинэ но. Тазы бере со уг быгаты коммунист'ёслэсь марксизмлэн-ленинизмлэн основаосыныз овладеть каремзэс курыны.

**В. Христолюбов.**

## ГОСУДАРСТВЕННОЙ ЗАЕМ'ЭС

Советской государство кужмо индустрия но азымынсь социалистической сельской хозяйство кылдытон понна, страналэсь технической, экономической но культурной бере кылёнзэ быдтон понна, трудящий'ёслы умой улыны условия кылдытон понна, кужмо Красной Армия но Военно-Морской Флот кылдытон понна данак средствоосты уже кутыз.

Народной хозяйствеоз финансировать каронлэн существенной источник'ёсыз пöльсь одигеныз луэ государственной заем'ёс но трудящий'ёслэн сберегательной кассаосты понэм сбережениоссы. Заем'ёс'я люкам средствоос СССР-лэн государственной бюджетаз поступать карем сяна, та средствоослэн бадзым люкетсы сётиське город'ёслэн, район'ёслэн но сельской совет'ёслэн интысь бюджет'ёсазы, куд'ёсыз мыно населенилы кулэлык хозяйственной но культурной лэсьтиськон'ёсты быдэстолы.

Заем'ёс способствовать каро странамылэсь хозяйственной но оборонной мощсэ юнматонлы, трудящий'ёслэн культурной уровеньзылэн но материальной бла-

госостоянизылэн будонзылы. Нимысьтыз доход басьто трудящий'ёс заем'ёс'я утон'ёсын.

Районамы али дыре государственной заем'ёсты возисьёсын луо 5861 мурт, 1940 арын гинэ районьсытымы трудящий'ёс асьсэлэн облигациоссыя утыса но процент'ёслэсь 50065 манет доход басьтызы. Сберегательной кассаын сбережениоссэс возэ 1294 мурт и 1940 арын соос асьсэлэн вклад'ёссыя ляд'ям процентлэсь 7000 манет доход басьтызы. Государственной заем'ёсты возисьёслы утон'ёсты тыронлэн суммазы арысь аре йылэ.

Удмуртиысь сберегательной кассаос ортчись арлэн ньыл толэзьёсыз куспн гинэ трудящий'ёслы государственной заем'ёс'я 2015000 манет утэм коньдон тыризы. Районьсытымы трудящий'ёс та суммаысь басьтызы 30 сюрс манет доход. Трудящий'ёс асьсэлэсь сбережениоссэс сберегательной кассаосты тырыса но заем'ёс басьтыса асьсэлэн хозяйствеозылы ватсаса доход басьто.

**М. Багисhev,** райсберкассалэн заведующиез.

## ВС значёклы норма сётйзы

Осоавиахимлэн М-Пургинской райсоветэз Яганской леспромхозысь но строительной участокусь Осоавиахимлэн первичной организациосысьтыз член'ёсыныз II-тй степенё ВС значёклы норма сётон орччтыз. Ыбылськон, ог'я вераса, умой оценкаен орччиз.

Осоавиахим член'ёсты умой дасязы строительной участокун. Отысь осоавиахим член'ёс 79,2 процентэз II-тй степенё ВС значёклы норма сётйзы. Ожит урод-

гес показательёссы Яганской леспромхоз'я. Татысь ыбылськыны ветлэм'ёс пöльсь 60,6 процентэз гинэ норма сётыны быгатйзы.

Тйни со луэмын соин, что Яганской леспромхозын осоавиахим член'ёс пöлын дисциплиназы ляб, занятиос орччтымын словестно гинэ.

Осоавиахимлэн М-Пургинской райсоветэз значкист'ёсты дасян'я арлы сётэм заданизэ 46 процентлы быдэстйз.

**Н. Луниныx.**

## Выставкае мыныны право басьтон понна нюр'яське

Старо-Моньинской сельсоветысь „Восход“ колхоз 1940 арын район'я нырысен выжиз ужез звеноос'я рад'ян борды. Звеноен ужанлэн нырысетй араз ик адзизы, что звеньеовой системаен ужан трудэз шонер рад'янын основоеныз луэ и со сётэ ужлэсь выли показательёссы.

ВКП(б) членэ кандидатлэн В. Алексеев эшлэн инициативаез'я организовать карем бакча сион'ёсты мерттон'я звено 1940 арын колхозлы 25 сюрс манет доход сётйз. Та доход басьтэмын 3 гектар вылэ мертэм кубисталэсь. Звено котькуд гектараз 366 центнер кубиста будэтйз, план'я 165 центнер интые.

„Удмуртской АССР-ын сельскохозяйственной культураослэсь удалтонлыксэс но пудо вордонлэсь продуктивностьэ жутэм понна колхозник'ёслэн ужамзылы ватсаса тырон сярысь“ СССР-лэн СНК-езлэн но ВКП(б) ЦК-лэн постановленизы 1940 арын вöлмемын луысал ке звеноосы член'ёс планлэсь выл-

тй будэтэм урожайлэсь одйг ньылымос люкетсэ, 50 центнер кубиста мултэссэ басьтыны быгато вал.

Партилен но правительстволэн колхозник'ёслэн ужамзылы ватсаса тырон сярысь постановленизы потэм бере „Восход“ колхозысь колхозник'ёс эшшо но тыршысагес ужаны кутскызы. Колхоз туэ 10 муртэн бакча сион'ёсты мерттон'я звено кылдытыз. Колхозлэн правлениез звеноводэ юнматйз самой умойзэ колхозникез И. Тепкин эшез. Со туэ арын ВСХВ-лэн участникез луэ.


Райземотделлэн планэз'я колхоз туэ арын 4,5 гектар бакча сион'ёсты мерттыны кулэ вал. Колхоз луонлык шедьтйз 8 гектар вылэ мерттыны, мерттымын луоз кубиста—2 гектар, кияр—1,5 гектар, помидор—1 гектар, сугон—0,75, Чужкушман—1, сяртчы—1 но шунды берган 0,5 гектар. Со сяна звено ас вылаз басьтйз на мерттыны 2 гектаре картофа и басьтыны, планэн тупатэм сярысь, кык вылты урожай. Звенолэн член'ёсыз март

толэзе ик бакча сион'ёсты мерттыны вис'ям участоказы ужаны кутскызы. Лымы бырем бере ик вакчи дырын 4 гектарлэсь ятыр ялощадез раскорчевать каризы. Звенолэн котькудйз ик членэз тыршыса ужа. Кылсярысь, котькудйз член кубиста но помидор уд'ёсты нимазы кизизы и ваньзы ик асьсэ кизем удзэс утылто, асьсэос ик мерттозы но октыны калыны вуытояз утылтозы. Сыче порядок пыртэмын соин, чтобы бакча сион'ёслэн быдэс будытоязы адзыны звенолэн котькуд членэзлэсь ужамзэ. Сыче порядок тупатыса сётэ луонлык бакча сион'ёсты утылтонысь обезличкаез быдтыны.

Звено быдэс 10 гектараз ик тырмымон кидысэн обеспечить каремын. И. Тепкин эшлэн звеноез нюр'яське выли урожай будэтиса колхозлы туэ арын 70 сюрс манет доход сётыны. Вань бадзымесь оскон'ёс, что „Восход“ колхозлэн бакча сион'ёсты мерттон'я звеноез 1942 арын ВСХВ-ын участвовать карыны право басьтоз.

**Ф. Осонин.**

## Всесоюзной сельскохозяйственной выставнаын



„Сибирь“ павильонысь Алтайской крайлэн залаз. ТАСС-лэн Фотосез.

## Ужез куашкатэ

Трактор'ёс бусы ужын ужано луо кык сменаен но быдэс мощностен. Сыче задача пунктэмын МТС-эслэн кивалтисьёссы, бригадир'ёс азе. Нош кызы быдэс'яло со задачаез кудогез тракторист'ёс? Вакчи-як верано луэ одйг история сярысь.

Гожнинской МТС-лэн кык номеро бригадаысьтыз трактористка Еремеева Александра сознательно ужез куашкатэ. Та история кутске тазы. 18 мае Еремеевалы кыктэти сменае ужано луиз. Со ноқыче мугтэк, уйин ужаны, пе, кошкemasько шуыса, ужзэ куштыса кошкыз. 21 мае кыктэти сменаын ужаны мылыз потымтэен бочкаысь вузэ кисьтйз но, ву бöбл шуыса, ужамысь дугдйз.

23 мае Еремеевалы нош

ик кыктэти сменаын ужано усиз. Ужано ке бöбл кыче ке но муг шедьтоно. Кема малпаськоно оз луы Еремеевалы, солы ик „визьнод“ сётйсь но шедиз. Свечалэсь усик'ёссэ гинэ чигтйз но трактор ужамысь дугдйз. Муг шедем бере со дыртыса-дыртыса гуртаз кошкыз. 24 мае Еремеева кöня ке котыр гинэ лэсьтйз но тракторлэсь подшипник'ёссы расплавить кариз.

Со сяна Еремеева ас тодэменыз керосин бочка доры но вугтиськыны кер угпоты. 19 мае 10 килограммлэсь ятыр керосинэз кйултйз.

Туж умой луысал, судеб-

## Киземлэн зечлыкес умой

П-Можгинской сельсоветысь „15 лет Удмуртии“ колхоз тулыс ю кизён азелы зечлыкес дасяськиз. Умой дасяськемез кизёнлэн орчоназ возьматскиз. Валэс юосты киземлэн зечлыкес умой. Бригадаос но колхозник'ёс куспазы чшататкыса ужазы. Сюлмо ужазы 5-тй бригадаысь колхозник'ёс: соос 68 гектар вылэ валэс юосты кизёнзэс 21 мае быдэстйзы.

Та дыре колхоз кизем юосты умой утылтонлы бадзым саклык вис'я. 313 гектар зегуд усыямын но 84 гектар вылын минеральной удобрениосын подкормка орччтымын.

**А. Петров.**

## 26 май азелы кизёнлэн мынэмез сярысь СВОДКА

(Процентэн вераса)

Сельсовет'ёс	Тысе юос	Ейин кизем.
М-Пургинской	86,3	38,3
Кечурской	100,5	35,0
Гожнинской	87,0	26,0
Пытцямской	100,1	123,0
Ильинской	84,9	36,0
Ст-Моньинской	93,2	39,0
Ср-Кечевской	67,7	60,0
Аксакшурской	99,1	45,2
П-Можгинской	85,6	58,1
Бурановской	77,1	43,0

Ваньмыз район'я: 82,6 48,4